

Papia 2 Pita da Mandagit

But piso gen

On papiagwan gen madep toŋ uŋun yaŋ. Yesu yolyol miŋat aminyo uŋun yoyiŋdet toptopmi diwari agek miŋat aminyo dakon nandaŋ gadat gat ae aŋpakni tagi gat paŋupbal aŋ amin do mirak dimasi yopni do papia on da yosok. Uŋun yabekbi da gen yomgwit uŋun tebaisi abidoni, aŋek Piŋkop gat ae Amin Tagi Yesu Kristo gat do pakyaŋ tagi nandaba pisolak do yosok. Yabekbi da iyi Yesu dabil da kawit, aŋek kaŋakwa Yesu da iyi yoyiŋdet agit.

Amin diwari da Yesu ae dima tobil apdisak, do aŋpak yokwi morap amaŋ uŋun da yo madep dima asak yaŋ yawit. Mani on papia da apjak dosi yosok. Asi, uŋun tepmi dima abisak, mani tepmi dima abisak uŋun dakon mibili uŋun yaŋ: Piŋkop uŋun aminjok kinda dimasi pasiljak do nandisak. Amin morap kisi but tobil ani do nandisak, do miŋat aminyo do yawot yawot aŋ yomiŋek jomjom aŋegisak (3.9).

Nin egip egipninon aŋpak tagisi ano teban taŋakwan amin yokwi dakon gen pabiŋ yopneŋ

1 ¹ Nak Saimon Pita, Yesu Kristo dakon oman monjini ae yabekbini. Nak miŋat aminyo nandaŋ gadat tagisisi nin abidagimaŋ uŋudensi abidawit amin ji do gen on mandisat. Yesu Kristo uŋun Piŋkopnin ae yokwikon baŋ timit timit aminin, ae iyi dakon aŋpakni kilegi do aŋek ji da uŋun nandaŋ gadat tagisisi abidawit. ² Ji abisok Piŋkop ae Amin Taginin Yesu tagisi nandaŋ yomaŋ. Uŋun aŋpagon nandaŋ yawot ae but yawot da ji da egip egipmon sigin madep tosak do bisit asat.

Piŋkop da nin iyi do manjigit

³ Nin Yesu Kristo nandaŋ imamaŋ, ae iyi uŋun Piŋkop do tapmim madepnikon da egip egipnin paŋteban asak dakon yo morap gat ae Piŋkop dakon aŋpak aneŋ dakon yo morap aripmisi nimgut. Nin da man madepni gat, ae tapmimni gat, ae aŋpakni tagisi gat timitneŋ do aŋek, nin yaŋ nimgut. ⁴ Yaŋ aŋek yo wagil tagisisi ae yo madepsi nim do yaŋ teban tok agit. But sulugik aŋpak da miŋtim amin ninon taŋek nin

madepsi panjupbal asak, mani Kristo da nin panjupluganban anpak unun tasik togi unun yapmanjek Pinjkop iyi dakon egip egip ae anpak abidoner do anjek yo tagisi morap unun nimgut.

⁵Ji unun dosi nandanjek, pi tebaisi anjek nandan gadatji da tebai tosok unuden anpak tagisi aba teban tosak. Ae nandak nandak tagisi timit do dakon pi ani, yan aba unun da anpakji tagisi da yan jikon teban tosak. ⁶Ae disi do kila anjek anpak kalipmi pabij yopni. Anjek unun anpak aba nandak nandakji tagisi da yan jikon teban tosak. Ae ji tebai agek jigi guramitni dakon anpak tebai abidoni. Unun anpak aba giptimji kila an unuden teban tosak. Ae Pinjkop dakon anpagon agipni, yan aba tebai agek jigi guramit dakon anpak jikon teban tosak. ⁷Ae Pinjkop dakon minat aminyo diwari gat not anjek egipni. Anpak unun aba Pinjkop dakon anpagon egip egip da teban tosak. Ae amin do but dasi galak tan yomyom anpak abidoni. Unun anpak abidanba notsi anjek egip egip anpak da jikon teban tosak. ⁸Anpak unuden timikba egip egipjikon teban toni kan, Amin Taginin Yesu Kristo isal dogin dima nandan gadan imni. Bami morapmi tokdan. ⁹Mani, amin anpakni unuden mini, unun amin yo dubagikon ton unun aripmi dima pindakgan ae unun amin dabili mini yombem. Pinjkop da yokwi morap kalip awit unun wiririk yoban amin kilegisi awit, mani unun amin Pinjkop da yo tagisi agit unun kili intawit.

¹⁰Not kabi, Pinjkop da ji kili yan dangut, anjek iyi dakon amin kabi egipni do ji manjin degut. Do iyi dakon amin kabini bamisi egek geni guramit dakon pini tebaisi ani. Yan ani kan, aripmi dima man potdan. ¹¹Anakwa kositji wagil wital daminjakwan Yesu Kristo Amin Taginin ae Yokwikon Ban Timit Timit Aminin iyi kila asak da kagagwan tagi pigini, ae unudon bisap dagok dagogi mini egipdan.

¹²Asi unun yo morap kili nandan mudawit, anjek gen bamikon tebaisi akgan. Mani ji da intoni do dima nandisat, do bisapmi bisapmi sigin dayik do nandisat. ¹³Nak kalugi sigin egipben bisapmon butji sigin pabo pisanakwa unun do sigin nandani kan, tagisi yan nandisat. ¹⁴^bNak nandisat, bisap pisipmisok giptimno yipman degek kimotdisat. Amin Taginin Yesu Kristo da yan kili noligit. ¹⁵Yan do anjek kimagapbo yo morap do dayigim unun do bisapmi bisapmi tagi nandani do anjek pi tebaisi aben.

Yabekbi kabi da Pinjkop dakon tenjenji Yesukon tanban kawit

¹⁶^cNin da Amin Taginin Yesu Kristo dakon tapmim madep gat ae tobil apdisak unun do dayigiman bisapmon nin amin da nandak nandagon morap gen isali noman tawit unun ban dima dayigiman. Dabilnin da Yesu dakon tenjenji ae tapmimni noman tan iban kagiman.

^a 1.6 Gal 5.22-23 ^b 1.14 Jn 21.18-19; 2Ko 5.1 ^c 1.16 Mt 17.1-5

^{17d}Piņkop Dat da man madep imiņek, teņteņi tagisi uņun iban noman taņ imgut. Aņek Piņkop iyi Kwen Kokup teņteņi madepsi tosok uņudon da Yesu do yaņ yagit, “On Monjino, but dasi galak taņ imisat ae but galaksi nandaņ imisat.” ¹⁸Nin uņun gat kisi uņun telagi ileņon egek gen uņun Kwen Kokupgwan da apban nandagimaņ.

¹⁹Uņun yo dabılın da pındakgimaņ, do nin kombi amin kalip egipgwit dakon gen do tebaisi nandaņ gadamaņ. Ae jiyo kisi geni tebaisi abıdoni kaņ tagisi. Kombi amin dakon gen uņun kalıņ da yaņ pılın tukgwan soņegakwan wigi Piņkop da abiņek wisawisa dakon gik pap da yaņ Kristo dakon teņteņi da butjikon teņteņokdisak. ²⁰Mani, yo madep kinda ji da nandaņ kimotni uņun yaņ. Kombi amin dakon gen Piņkop gen papiakon toņ uņun kombi amin iyi dakon nandak nandak yolek dima mandawit. ²¹^eNido, kombi amin dakon gen kinda kombi amin da galaktoknikon da yoni do dima noman tagit. Telagi Wup da amin paņtagap aban Piņkop gen yomgut uņun baņ yaņ teņteņok awit.

Amin yokwi da paņmuwukbi dakon nandak nandak paņupbal awit

2 ^{1f}Asi kombi amin toptopmi di Israel amin da binapmon noman tawit. Uņudeņ gin ji da binapmon amin diwari di kisi noman taņek topmon da miņat amıno Piņkop dakon gen yoyıņdet akdaņ. Aņek pasılikon da top gen mibili mibili ji dakon nandaņ gadat paņupbal agagi ji da binapmon paņalon akdaņ. Ae uņun gin dima, Amin Tagi da yumaņ nagit, mani uņun amin da Amin Tagi manji imdaņ. Aņek iyi dakon egip egip paņupbal aņakwa tepmisi tasik tokdaņ. ²Amin morapmi da uņun amin dakon yumabi aņpakni mibili mibili uņun yoldaņ. Yaņ aba amin da aņpak bami dakon kosit do yaņba yokwi tok akdaņ. ³Uņun amin pındak galaktok aminsi, do ji dakon moneņ gwayek do top gen morapmi dayikdaņ. Mani Piņkop da uņun amin pasılını do kili yagit. Piņkop dipmin dima pokdok, amin uņun paņtasik akdisak.

^{4g}Kalip aņelo di yokwi aba Piņkop da yum dima pındakgit. Tipdomon gapma pılın tugisi uņungwan dam tebanon yopgut da ekwaņ. Egek Piņkop da kokwin akdisak dakon gildat do jomjom aņek ekwaņ. ^{5h}Kalip miņat amıno egipgwit uņun Piņkop manji iba yum dima pındakgit. Kulup madep yıpban abiņakwan pasılıgwit. Mani Noa uņun aņpak kilegi do yaņ teņteņok amin, do Piņkop da Noa gat ae miņat amıno 7 kabi gat kisi kila aņakwan tagisi egipgwit.

⁶ⁱPiņkop da Sodom gat Gomora gat tasik tonjil do yaņek uņun kokup bamot soņbal abilakni dagin taņek wagılsi tasik tagimal. Piņkop da yaņ aban miņat amıno Piņkop manji imni amin da uņun do nandaņek yo

^d 1.17 Mt 17.5 ^e 1.21 2Ti 3.16; 1Pi 1.11-12 ^f 2.1 Mt 24.11; Jut 4 ^g 2.4 Jut 6

^h 2.5 WW 6-8; 2Pi 3.6 ⁱ 2.6 WW 19.24; Jut 7

yokwisi ninon kisi yaŋ gŋn noman taŋ nimdaŋ yaŋsi nandani. ^{7j}Mani amin kilegi Lot uŋun Sodom kokupmon egek uŋun gen teban pabiŋ yop amin dakon yumabi aŋpakni mibili mibili awit uŋun pindagek butjik nandagit, do Piŋkop da Lot abidaŋakwan dima tasik tagit. ⁸Asi, amin kilegi Lot uŋun Sodom amin da binapmon egek gildari gildari aŋpakni yokwi uŋun pindakgit, ae gen yokwini yaŋakwa nandaŋ yomgut. Uŋun buri kilegisi taŋakwan, gen teban pabiŋ yopyop aŋpak awit uŋun do nandaban yokwi taŋban burikon da jigisi nandagit.

⁹Nin Amin Tagi da yo uŋun agit uŋun do nandanen, aŋek nin nandamaŋ, Piŋkop yolgaŋ amin paŋkewal noman taŋ yomni kaŋ, Amin Tagi da uŋun paŋkewalon baŋ timitjak dakon kosit nandisak, ae amin yokwi kobogi do yo yokwisi yomdisak, aŋakwan wigi Piŋkop da amin kokwin akdisak da gildaron wigikdisak. ^{10k}Amin diwari kobogi yokwi madepsi timitdaŋ. Uŋun amin giptimni dakon galaktok yokwi yolgaŋ, ae kila amin dakon gen do nandaba yo isalisi aŋ.

Uŋun Piŋkop gen yoyiŋdet amin toptopmi uŋun kwen wigik aminsi, ae iyi dakon galaktok baŋgin yolgaŋ, do Kwen Kokup aŋelo mibiltogi tapmimi toŋsi uŋun ibip do timisok di dima pasolgoŋ. ^{11l}Aŋelo morap yoyiŋdet amin toptopmi uŋun yapmaŋgaŋ, mani Amin Tagi da dabilon yaŋba yokwi tok aŋ yomiŋek aŋelo mibiltogi gen dima yaŋ yomaŋ.

^{12m}Uŋun amin joŋ bit kilapyo yombem buri mini, do giptim dakon galaktok baŋgin yolgaŋ. Uŋun amin joŋ kilap amin da timigeŋ dapba kimotni dogin miktimon altawit uŋun yombem. Yo mibili dima nandaŋ pison, uŋun do gen yokwi yoŋ. Uŋun joŋ bit kilapyo da tasik toŋ ujuđen tasik tokdaŋ. ¹³Aŋpak yokwi mibili mibili aŋek amin diwari paŋupbal awit, do yokwi awit dakon kobogi yokwisi timitdaŋ. Gildaron jap morapmisi ae pakbi teban noknok do kisik kisik bamisi dakon aŋpak uŋun yaŋsi nandaŋ. Ji gat kisi jap noŋ, aŋek yaŋ aba ji garaŋki toŋ dagaŋakwa man binji tagi uŋun paŋupbal aŋ. Mani aŋpak toptopmi uŋun aŋ uŋun do kisik kisik aŋ. ¹⁴Bisapmi bisapmi miŋat pindak galak taŋek yumabi aŋpak ak do nandaŋ. Yokwi agak dakon galagi aripmi dima aba mudogi. Nandaŋ gadatni dima teban taŋbi amin uŋun paŋgalak aŋek ilik paŋgwa yokwi aŋ. Ae pindak galaktok dakon aŋpak do pakyansa nandaŋ. Piŋkop da uŋun amin obisi paŋtasik akdisak. ¹⁵ⁿUŋun aŋpak kilegi do manji yomiŋek Balam, Beo dakon monji, dakon kosit naŋ yolgwit. Balam uŋun aŋpak yokwi aŋek uŋun aŋpak yokwi agit dakon tomni timit do galagisi nandagit. ^{16o}Mani donki kindi da amin da yaŋ gen yaŋek Balam dakon aŋpak yokwini do tebai iyigit. Donki gen dima yoŋ, mani uŋun donki da uŋun aban kombi amin uŋun ŋugigi aŋpak ak do nandagit uŋun yipgut.

j 2.7 WW 19.1-16 k 2.10 Jut 7-8,16 l 2.11 Jut 9 m 2.12 Jut 10 n 2.15 IDT 22.7; Jut 11; PA 2.14 o 2.16 IDT 22.28-35

^{17p}Uņun yoyiņdet toptopmi pakbi dabil da yaņ wagil kibidaņ mudañ, ae gikwem madepsi baņ mirim da pișoņban dukwan dukwan kwan uņun yombem. Uņun Piņkop da kokup pilin tuk pilisi uņun kili aņnoman agit, do uņudon paņki egipdaņ. ¹⁸Uņun amin gen pap yaņek geni isali do giptim pawigik aņ. Uņun da amin yumabi aņpak gat ae giptim dakon aņpak yokwi mibili mibili ani do paņgalak aba uņun ak do but sulugik aņ. Uņun aņpak aņek abisok aņpak yokwi yipmaņ amin, uņun ilikba kiņ uņun amin yokwi yolgaņ. ¹⁹Uņun amin yokwi da yaņ yoyaņ: “Ji nin nolni kaņ, napmi mini tagisi egipdaņ.” Mani iyi aņpak si tasik toni dakon oman monji ekwaņ. Nido, amin kinda yo kinda yipban uņun da kilani asak kaņ, uņun amin uņun yo dakon oman monji egisak. ²⁰“Asi, uņun Yesu Kristo uņun Amin Taginin ae Yokwikon Baņ Timit Timit Aminin yaņ dakon nandak nandak kili timikgwit. Yaņ aba uņun nandak nandak da paņpulugaņban on miktim dakon aņpak iņani uņun yapgwit. Mani aņpak yokwi uņudenon aeni kiņ gadaņba uņun da dam tebanon egipni kaņ, uņun yokwisi egipdaņ. Mibiltok yokwi egipgwit, mani aņpak iņani uņun da damon aeni yopjak kaņ, yokwi dakon yokwisi egipdaņ. ²¹“Mibiltok kosit kilegi do dima nandawit tam, uņun da jigi. Mani Piņkop dakon gen telagisi abidaņek manji imgwit do wagol jigisi ekwaņ. ²²“Yo uņun noman taņ yomisak uņun gen bamisi kinda da uņun do yaņ yosok:

“Piņan wanditdit aņek tobil kiņ wanditditni nosok.”

Ae gen kinda yaņ yosok, “Bit pakbikon pakbi kili sosok, mani kiņ neņagon ae sosok.”

Asisi Amin Tagi apdisak

3 ¹Notnonisi, on papia ji do mandisat. On papia bamotgwan gen damisat uņun ji dakon nandak nandak pabo pișaņban on yo morap do nandaņek nandak nandakji kilegisi tosak do aņek mandisat. ²“Kombi amini telagi da yo don altokdaņ dakon geni yaņ tenņeņok awit, ae Amin Tagi yokwikon baņ timit timit Aminin dakon gen tebani disi dakon yabekbi da damgwit uņun kisi aesi nandani do nandisat.

³“Yo madep ji da si nandaņ pișoni uņun yaņ: Mibi gildaron yaņsul amin noman tokdaņ, aņek butni dakon galaktok yokwi uņun yoldaņ. ⁴“Jigalak gen yaņsi yokdaņ, “Uņun ae tobil apdisat yaņ teban tok aņek dayigit, ma? Uņun dukwan egisak? Babiknin kimakgwiwon da wiņ abisok ekwamaņon yo morap kalipsigwan miktim noman taņakwan tawit yaņ gin toņ.” ⁵“Uņun pakyaņsi nandaņek uņun yo do nandak do dima galak toņ. Kalip Piņkop da yaņban kundu noman tagit. Aņek miktim pakbi binap naņ abidaņ awiņ yipban noman tagit. ⁶“Ae don Piņkop da yaņban

p 2.17 Jut 12-13 q 2.20 Mt 12.45 r 2.21 Lk 12.47-48 s 2.22 YT 26.11 t 3.2 Jut 17
u 3.3 1Ti 4.1; Jut 18 v 3.4 Mt 24.48 w 3.5 WW 1.6-9 x 3.6 WW 7.11; 2Pi 2.5

pakbi da kulup madep aŋek on miktim witjiŋban miktim obisi yokwi tagit. ⁷Ae abisok Piŋkop da yaŋban kundu gat miktim gat kindap da noman taŋek paŋupbal ani do jomjom aŋ. Uŋun bisapmon gen kokwin bisap madep noman tosak, ae amin Piŋkop do manji imgwit uŋun wagilsi tasik tokdaŋ.

⁸Notnoni, ji yo kalon on do dima iŋtoni: Amin Tagi da nandak nandagon gildat kalonji uŋun bilak 1 tausen da arip asak, ae bilak 1 tausen uŋun bisap pisipmisok gildat kalonji yombem gin yaŋ kosok. ⁹Amin diwari da yoŋ uŋun da tilak Amin Tagi yo aban noman toni do yaŋ teban tagit uŋun ak do yawot yawot dima asak. Uŋun amin kinda pasiljak do dima nandisak. Amin morap kisi but tobil ani do nandisak, do but yaworon da ji do jomjom aŋegisak.

Miktim on gat kundu gat pasildamal

¹⁰Mani, Amin Tagi Dakon Gildat uŋun kabo noknok da but pisoni mini abaŋ uŋun da tilak noman tokdisak. Uŋun gildaron kundukon wuwik madepsi noman taŋek yo morap kundukon toŋ uŋun kindap da soŋban wagil soŋ mudokdaŋ. Ae miktim gat ae yo morap miktimon toŋ uŋun kisi kindap da soŋban saŋbeŋek dima tokdaŋ.

¹¹Nandani, yo morap kosit yaŋon dasi pasildaŋ, do ji niaŋen aŋpak baŋ yolek ani? Ji telagisi egek Piŋkop dakon aŋpak baŋ yolek ani. ¹²Aŋpak uŋun aŋek Piŋkop da aŋpak gildat do jomjom ani, aŋek uŋun gildat tepmisi noman tosak do aŋtep aŋ kimotni. Uŋun gildaron gin kundu soŋ pasildisak, aŋakwan kindap tedepmini madepsi uŋun da yo moniŋ moniŋ morap Piŋkop da uŋun baŋ miktim wasagit uŋun soŋban pakbi dagokdaŋ. ¹³^bMani, Piŋkop da miktim kunduyo kalugi wasok do yaŋ teban tok kili agit, ae amin aŋpak kilegisi aŋ uŋun daŋin uŋudon egipdaŋ. Nin yo uŋun da noman tosak do jomjom amaŋ.

Nin kaŋ kimagek Amin Tagi do jomjom aneŋ

¹⁴Notnoni, ji yo uŋun noman tosak do jomjom aŋ, do Piŋkop da dabilon gwaljiŋi minisi egipneŋ yaŋ dakon pi tebaisi aŋ kimotni. Yaŋ aŋek yo kindakon gulusunji kinda dima tosak. Ae Piŋkop gat but kalonji egipni. Yaŋ aŋakwa Amin Tagi da gildaron Piŋkop da ji dakon aŋpakji tagisi uŋun pindatjak. ¹⁵^cJi nandanisi, Amin Tagi sigin jomjom aŋek nin do yawori aŋ nimisak. Uŋun yaŋ asak, nido nin yokwikon baŋ timit do nandisak. Piŋkop da notninsi Pol do nandak nandak tagisi iban uŋunyo kisi da gen oden baŋ mandaŋ damgut. ¹⁶Papia morap mandagitgwan on yo noman tokdaŋ do yagit. Asi, uŋun papiagwan gen di toŋ uŋun

^y 3.8 Kap 90.4 ^z 3.9 Ab 2.3; 1Ti 2.4 ^a 3.10 Mt 24.29,35; Lk 12.39; 1Tes 5.2

^b 3.13 Ais 65.17; 66.22; PA 21.1,27 ^c 3.15 Ro 2.4

tagi dima nandarj pisogi, do nin mibili nandak do pi tebaisi amanj. Do amin nandak nandakni mini ae amin nandarj gadatni dima teban tanjbi da gen ujun mandagit panjupbal anjek gen njwakjwari yonj. Ae Pinjkop da papiakon gen diwari tonj kisi yanj gin anj. Yanj anj do anjek ujun wagil tasik tokdarj.

^{17d}Notnoni, yo ujun altokdarj ujun ji kili nandawit. Do ji disi do kila tebaisi anj kimotni. Gen teban pabij yop amin dakon topni da ji ilik panjgwa nandarj gadatjikon sanjbejek tebai dima di akbam. ¹⁸Yesu Kristo Amin Taginin ae Yokwikon Baj Timit Timit Aminin, ujun da ji do nandarj yawok daminjakwan pakyanjsi nandarj imanj. Yum karjakwa Kristo dakon nandarj yawotni da jikon paptanj madep tosak. Anjakwan ujun dakon nandak nandak morap sanjbejek timitni. Yesu ujun abisok ae bisap dagok dagogi mini man madepni tanj ananj kikdisak, do anjksinj kimotneņ. Ujun asi.

^d 3.17 Mk 13.33; 1Ko 10.12